

利之中寓尊重國家法權之意此尤興一得之愚所願貢獻於新造之國家也南京留守黃興叩印

國務院致廣西陸都督電 六月十八日

廣西都督鑒奉 大總統發下參議院咨稱廣西都督東電擬請以南甯爲都督駐紮之地議會等隨同建設政府亦以爲然本院對於此種辦法亦以爲尙屬可行應予同意惟都督既駐南甯六司又遠在桂林行政機關分立究非長策擬俟該省臨時議會成立後關於遷省事宜趕速提出議案詳加討論再行確定以上各節均經公衆可決等語除將來咨登報外特達國務院叩印

上海海圻軍艦程璧光致海軍部電 六月十八日

海軍部鑒銑電敬悉前巡洋艦隊案卷賬項自滬軍起事後多所失散非累月不能調查具報若遽離滬更難著手事竣再定晉京已電稟 大總統光洽

上海海圻軍艦程璧光致海軍部電 六月十九日

海軍部鑒此次海圻出差適逢光復各勇丁家屬不免流離損失應請給假月餘回籍省視其病故者葬身異域情殊可憫亦請給予卹賞以勵軍心在船各員往返年餘不無微勞足錄應如何獎勵又前部派同出洋員應如何位置統希查核辦理光巧

海軍部覆程璧光電

上海高昌廟黃總司令轉玉堂兄鑒巧電悉官員擬給徽章兵士給恩餉員兵輪流給假一月病故者宜恤隨員皆照舊薪請公與贊兄妥商章程分別開單寄核海軍部號